



Publicaziuns dalla vischnaunca, jamna 24

Damondas da baghegiar

2020-1027.000

Datum dalla publicaziun: Ils 12 da zercladur

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: IPZ inschigniers e planisaders sa, Via Lucmagn 7, 7180 Disentis/Mustér

Object: Piazza da grillar a Denter Reins, parcella 1891, Val Stalusa, 7180 Disentis/Mustér

2020-1028.000

Datum dalla publicaziun: Ils 12 da zercladur

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: IPZ inschigniers e planisaders sa, Via Lucmagn 7, 7180 Disentis/Mustér

Object: Piazza da grillar a Crap Furau, parcella 2541, Val Clavaniev, 7180 Disentis/Mustér

2020-1029.000

Datum dalla publicaziun: Ils 12 da zercladur

Il patrun: Vischnaunca Disentis/Mustér, Via Cons 2, 7180 Disentis/Mustér

Il representant: IPZ inschigniers e planisaders sa, Via Lucmagn 7, 7180 Disentis/Mustér

Object: Piazza da grillar a Cruschettas, parcella 3586, Mumpé Tujetsch, 7186 Segnas

2020-1030.000

Datum dalla publicaziun: Ils 12 da zercladur

La patruna: Anna Durschei, Via Buretsch 2, 7186 Segnas

Object: Engrondaziun dil lidimer existent, parcella 191, Pignola, 7186 Segnas

2020-1031.000

Datum dalla publicaziun: Ils 12 da zercladur

La patruna: Claustra Mustér, Via Claustra 1, 7180 Disentis/Mustér

Il representant: Spacial design, Patrick Rothmund, Via Principala 67, 7166 Trun

Object: Novas gardarobas per la scola claustrala, parcella 580, Via Claustra 1, 7180 Disentis/Mustér

2020-1032.000

Datum dalla publicaziun: Ils 12 da zercladur

Ils patruns: Peter e Heidi Zazzi-Loretz, Via da Scola 14, 7180 Disentis/Mustér

Il representant: Peter Zazzi, Via da Scola 14, 7180 Disentis/Mustér

Object: Tschentar ina casetta da curtin sin parcella 3003, Via da Scola 14, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 12 da zercladur 2020

Uffeci da baghegiar Disentis/Mustér

Lubientscha da baghegiar

L'istanza da baghegiar ha concediu suandonta lubientscha da baghegiar:

Nr. 2020-1016.000

Karin e Matthias Märki, Angelweg 5, 5603 Staufen: reunir duas habitaziuns tier ina habitaziun enteifer la casa Sulegl, parcella 1343, Via Acla 3, 7180 Disentis/Mustér

Disentis/Mustér, ils 12 da zercladur 2020

Uffeci da baghegiar Disentis/Mustér



Annunzias da baghegiar

All'istanza da baghegiar ein sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

Nr. 2020-2072.000

StWEG parcella 1224, Casa Cafeni, c/o Willi Lozza, Via Cavardiras 5, 7180 Disentis/Mustér: sanaziun dils balcuns, parcella 1224, Via Cuoz-Sut 3, 7180 Disentis/Mustér.

Nr. 2020-2073.000

Adrian e Sereina Bigliel-Bisquolm, Via Disla 7, 7180 Disentis/Mustér: sanaziun dil tetg, baghetg nr. 594e, parcella 1782, Via Disla 9, 7180 Disentis/Mustér.

Nr. 2020-2078.000

Gianna Manetsch-Sialm, Via Alpsu 8, 7180 Disentis/Mustér: colurar da niev il tetg dalla tegia da cuolm, parcella 2552, Caischavedra, 7180 Disentis/Mustér.

Nr. 2020-2079.000

Willi Huonder, Via Glaretsch 14, 7186 Segnas: sanaziun dalla cuvrida dil tetg dalla tegia da cuolm e montar da niev la canal-tetg dil baghetg d'economia, parcella 3868, Plaun-Menisch, 7186 Segnas.

Nr. 2020-3002.000

Claudia Gisler e Peter Furian, Via la Foppa 12, 7172 Rabius: nova inscripziun, parcella 638, Via Alpsu 14, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastonza communal.

Disentis/Mustér, ils 12 da zercladur 2020

Uffeci da baghegiar Disentis/Mustér

Cussegl da vischnaunca

Rapport dalla seduta dils 5-6-2020

En sia seduta dils 5 da zercladur 2020 ha il cussegl da vischnaunca sut il tgamun da Mario Flepp tractau suandontas fatschentas:

Center da sport e cultura

Innovaziun, amplificaziun ed engrondiment complessiv:

Project e credit general per l'emprema etapa

Ils 16 da fenadur 1978 ha il suveran dalla vischnaunca da Mustér concediu in credit net da 2,2 milliuns francs per la construcziun d'ina halla plurivalenta. Igl onn 1993 ha il pievel da Mustér plinavon concediu in credit da 5 milliuns francs per l'innovaziun ed amplificaziun dil Center da sport e cultura. Grazia a quei credit ha la purschida dil CSC saviu vegnir augmentada. Aschia ei vegniu construiu la piazza da ballapei cun cuvrida artificia, la Sala Fontauna cun la piazza dira ed igl iral da cuorer sin il tetg da quella ed era il post da comando per la proteziun civila.

Ils davos decennis ha il Center da sport e cultura surviu en tuts graus a ses hosps, allas uniuns ed oravontut alla giuventetgna e basegna ussa ina renovaziun dils baghetgs sco tals, mo era ina renovaziun estetica ed ina surluvrada dallas purschidas.

Project

Il project elaboraus dil biro d'architectura Huonder Bisquolm architects muossa l'utilisaziun dil spazi existent e las sligiazions per optimar ils process da lavur el CSC sco era entuorn quel. La purschida actuala vegn mantenida ed amplificada cun ulteriurs elements da sport e divertiment. Sulettamein per l'entrada preveda il project in niev baghetg. Per tut las autras novas purschidas vegn luvrau compleinamein cun la structura dils baghetgs existents. La finamira ei era d'augmentar la visibladad dil center e cheutras accentuar sia valeta sco Center da sport e cultura pil vitg e per la regiun. Suentar extendida discussiun e bia informaziuns ha il



cussegl da vischnaunca approbau il project, concediu il credit da frs. 9 690 000.– per l'emprema etapa e decidiu da suttametter quella fatschenta el senn dallas prescripziuns digl art. 32 lit. d dalla constituziun communal a la cuminonza dils votants.

Disentiser Card: Dissoluziun

En sia seduta dils 20 d'avrel 2018 ha il cussegl da vischnaunca eligiù ina cumissiun che duei s'occupar dalla realisaziun d'ina Disentiser Card. L'idea era da crear in instrument, nua ch'ins sa differenziar las purschidas per indigens ed jasters.

Il mument s'occupescha Sedrun Mustér Turissem dalla carta da hosps. Quella purschida pretenda d'abia ponderaziuns e bunas contractivas, e quei era sur il cuolm via Andermatt. Plinavon stat la sanaziun dil CSC avon porta ed era cheu vegn ins a stuer ponderar co agir el futur cun favurs per indigens e hosps. Prender uss ina decisiun d'introducìr ina Disentiser Card füss ella situaziun momentana buca prudent. Seigi quei ord raschuns organisatorias sco era finanzialas.

Il cussegl ha decidiu da sliagir la cumissiun per la realisaziun d'ina Disentiser Card.

Suprastonza communal

Negina fiasta ufficiala digl 1. d'uost 2020

Las reglas actualas da higiena e da distanza en connex cul coronavirus impedeschan d'organisar ina fiasta naziunala publica sco ella ha giu liug ils davos onns el contuorn dalla casa communal.

Sebasond sin quella situaziun extraordinaria sco era per limitar il prighel da derasar il virus ha la suprastonza communal decidiu da desister d'organisar uonn ina festività d'1. d'uost publica.

Nus engraziein per la capientscha e supplichein da vinavon respectar ils scamonds e las reglas da cumportament che la Confederaziun ed il cantun Grischun han decretau en connex cul coronavirus.

Suprastonza communal

Serrada dalla via d'uaul Cavardiras–Caischavedra

Muort lavurs da reparatura (remplazzament da canasters da lenna denter Runtget e las Aclas da Cavardiras) resta la via d'uaul Cavardiras–Caischavedra da Runtget ensivars serrada naven **dils 8 entochen ils 30 da zercladur 2020**, mintgamai duront l'jamna naven dallas 7.30–17.00. Per pedunzs e velocipedists ei il passadi adina pusseivels.

Per ulteriur sclariment stat il selvicultur Simon Cathomen bugen a Vossa disposiziun (tel. 081 920 36 41).

Bien engraziament per Vossa capientscha.

Disentis/Mustér, ils 29 da matg 2020

Uffeci forestal/menaschi tecnic Disentis/Mustér

Vischnaunca Disentis/Mustér Plan d'areal Catrina

Exposiziun da recuors cun rapport ecologic

En applicaziun digl art. 48, al. 2 e 4 dalla lescha davart la planisaziun dil territori (KRG/LPT) ha liug l'exposiziun da recuors pertuccont il plan d'areal Catrina, ch'ei vegnida approbada ils **8 da zercladur 2020** dalla suprastonza communal. Il medem mument vegn a basa digl art. 15 dall'ordinaziun federala davart l'examinaziun ecologica dau la pusseivladad da prender envesta dil rapport ecologic.

Object dalla planisaziun: Plan d'areal Catrina

Acts d'exposiziun:

- Midada dil plan da zonas e dil plan da
- formaziun 1:500
- Plan d'avertura 1:500 (remplazza il plan d'avertura dils 23 da matg 2016)
- Plan cun tagl traversal parcadi 1:500



- Midada dallas prescripziuns tiel plan d'areal
- Rapport da planisaziun e cooperaziun
- Rapport ecologic

Temps da publicaziun: 30 dis (naven dils 12 da zercladur entochen ils 13 da fenadur 2020).

Liug e temps d'exposiziun: Casa communal Disentis/Mustér (stanza 10) durant las uras da spurtegl.

Recuors plan d'areal: Persunas che han in agen interess, digns da vegnir protegius ni ch'ei legitimadas leutier tenor dretg federal, san inoltrar alla Regenza grischuna enteifer 30 dis dapi il datum da publicaziun a scret in recuors.

Posiziun tiel rapport ecologic: Durant il termin d'exposiziun sa vegnir inoltrau posiziuns a scret tiel rapport ecologic agl uffeci cantunal pil svilup dil territori dil cantun Grischun, Grabenstrasse 1, 7001 Cuera.

Organisaziuns digl ambient: Organisaziuns digl ambient fan valer lur dretg da recuors tenor art. 104, alinea 2 dalla lescha cantunala davart la planisaziun dil territori, q.v.d. ellas s'annunzian enteifer il temps da recuors tier igl Uffeci cantunal pil svilup dil territori ed inolteschan silsunter eventualmein ina posiziun.

Disentis/Mustér, ils 8 da zercladur 2020

Suprastonza communal Disentis/Mustér

Rimnada da pupi

Venderdis, ils 12-6-2020

Preziadas convischinas, prezias convischins. Cun la midada dallas mesiras per cumbatter il coronavirus (Covid-19) ei ina rimnada da pupi puspei pusseivla.

Adatg! Ei vegn mo rimnau gasettas, illustradas, catalogs, cudischs e prospects stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora, e quei las mesjamnas (16.00–17.30) e sondas (10.00–12.00) e buca durant la rimnada.

Bien engraziament per Vies agid e sustegn!

Nossa scola populara Mustér, Ch. Berger

Onn da scola 2020/21

Uris e transports

Prezias geniturs, cars affons. Ils uraris da scola ed igl urari dils transports pil proxim onn da scola 2020/21 anfleis Vus sin www.scoladisentis.ch.

Jeu supplicheschel tuts affons da Segnas, Buretsch e Cuoz **dalla emprema scoletta 2020/21** da s'annunziar cun ina nova foto da portret alla staziun da Mustér pigl abbonament dalla MGB (niev sistem dad abo cun il SwissPass).

Nus engraziein a Vus cordialmein per la fetg buna collaboraziun e Vies grondius sustegn durant igl onn da scola che va alla fin e ch'ei dapi il mars staus pretensius ed extraordinaris. Nus giavischein a Vus bialas vacanzas da stad. Cordials salids e sin bien seveser

Nossa scola populara Mustér

Uniun da catschadurs Péz Alpetta

Salvament d'anseuls

Prezias purs

Uss ei il temps che las cauras-cavriel fan ansiel. Stedi sesanflan ellas cun lur anseuls en praus che vegnan segai. Aschia vegnan mintg'onn anseuls per la veta entras maschinas da segar. Cun pign engaschi san ins evitar quei. Purs che fan fein en loghens nua che cavreuls setegnan si, ein supplicai da s'annunziar tier nus in di avon che segar. Aschia savein montar mintgamai ina bandiera el prau pertuccont. Entras il disturbi da quellas prendan las cauras ils anseuls ord il prighel. Annunzias saveis far tier il cau da tgira sut la numera 078 690 18 86 ni tier il guardiaselvaschina sut la numera 079 397 35 54.



Bien engraziament per Vossa collaboraziun.

Uniun da catschadurs Péz Alpetta, il cau da tgira

Corporaziun d'aua Spina da Vin, Disentis/Mustér

Invitaziun alla radunonza generala dalla Corporaziun d'aua Spina da Vin. **Gliendisdis, ils 22 da zercladur 2020**, allas 20.00 el Center da sport e cultura, Sala Fontauna, Via Alpsu 51, 7180 Disentis/Mustér

Tractandas:

1. Beinvegni
2. Elecziun da dus dumbravuschs
3. Protocol, approbaziun
4. Rapport dil president
5. Rendaquen, rapport dils revisurs e dar scarica
6. Projects novs
7. Preventiv e program da lavur
8. Elecziun dil president
9. Revisiun regulativ da salarisaziun
10. Orientaziuns
11. Varia

Tuttas commembras e tuts commembers ein cordialmein envidai e beinvegni.

Sin fundament dallas pretensiuns digl Uffeci federal da sanadad publica (UFSP) en connex cun Covid-19 han ils responsabels dalla Corporaziun d'aua Spina da Vin elaborau in concept da schurmetg per la radunonza generala. Quel sa vegnir cargaus giu sin nossa pagina d'internet sut www.spinadavin.ch. Per simplificar a nus l'organisaziun dalla radunonza, essan nus engrazieivels, sche Vus saveis annunziar a nus Vossa participaziun. Quei sa succeder per telefon sin la nr. da pichet (081 947 47 88), per e-mail sut info@spinadavin.ch ni sur nossa pagina d'internet. En vesta dalla situaziun speciala vegn desistiu uonn d'offerir in puschegn suenter la radunonza. Ils responsabels dalla Corporaziun d'aua Spina da Vin appelleschan alla responsabladad persunala da mintgin e supplicheschan da risguardar las reglas da schurmetg en connex cun Covid-19.
Corporaziun d'aua Spina da Vin

*Per la suprastonza
Il president: Aluis Flepp*
